

**TRUTH
CENTERED
TRANSFORMATION**

ORURENGO 1



**ENTANDIKIRO
Y'OBUHEEREZA OBWIJWIRE**

EKITABO KY'OMWEGI

Ebirimu

Eishomo 1: Ekitebyo kyona	Error! Bookmark not defined.
1.1 Small Group Discussion Guide	Error! Bookmark not defined.
1.2 Role Play: Adam and Eve	Error! Bookmark not defined.
Eishomo 2: Abantu n'Eky'omuhendo Ahari Ruhanga.....	4
2.1 Discussion Guide	Error! Bookmark not defined.
Eishomo 3: Abantu n'Eky'omuhendo Ahari Ruhanga.....	6
3.1 The Evangelist Role Play	7
3.2 Discussion Guide	8
Eishomo 4: Luka 2:52.....	9
4.1 Discussion Guide	9
4.2 Growth Chart.....	10
Eishomo 5: Ruhanga naayenda Ekanisa Kuyamba.....	Error! Bookmark not defined.
5.1 Case Studies.....	11
5.2 Ways to Help Chart.....	13
Eishomo 6: Ni byetengoki ebi turi kubaasa kuyambaho?.....	Error! Bookmark not defined.
6.1 Pastor Wong	14
6.2 Case Study: Jose & Maria	17
Eishomo 8: Okwetegyereza oku turi kubaasa kuyamba.....	Error! Bookmark not defined.
8.1 Mrs. Lee Discussion Guide	18
8.2 A Family in Need Discussion Guide.....	19
Eishomo 9: Ebikorwa bya Rukundo.....	Error! Bookmark not defined.
9.1 Characteristics of an Act of Love	20
Eishomo 10: Okutebekanisa ebya okubiba embibo.....	Error! Bookmark not defined.
10.1 Planning Forms	25

Eishomo 1: Ekitebyo kyona

Okugwa

Okuruga omumuzaano hamwe n'ebimwashoma omubaibuli, nibizibu ki ebi abantu barikubugana ebyarugira omukugwa kw'omuntu?

- Shoma Okutandika 3:8,10 – Nenki ekyabaireho aha kakwate kw'omuntu na Ruhanga ahabw'okugwa kw'omuntu?
- Shoma Okutandika 3:12 - Nenki ekyabaireho aha kakwate kw'omuntu n'omuntu mugenziwe ahabw'okugwa kw'omuntu?
- Shoma Okutandika 3:15 - Nenki ekyabaireho aha kakwate kw'omuntu n'ebindi bihangirwe ahabw'okugwa kw'omuntu?

Ekigyendererwa

ABURAHAMU - Shoma Okutandika. Ruhanga naimusya Aburahamu kandi amuha omugisha. Ahabwenki Ruhanga naaha Aburahamu omugisha?

MUSA

- Ebiragiro ebi nibikwata aha by'omwoyo byonka nainga nibikwata aha buzaare bwaitu nk'abantu n'obuhangwa?
- Shoma Eky'ebiragiro 28:1-14.
 - Ruhanga naabuuza ati n'ebiki ebiri kuruga omu kworobera ebiragiro bye?
 - Emigisha ei Ruhanga ari kuraganisa n'oy'omwoyo yonka nainga n'omubiri?

Shoma 2 Ekyobusingye 7:14

- Ni baahi abu Ruhanga arikuragiira kwecureeza bakamushaba??
- Ruhanga akagira ngu haryabahoki kubari mworobera?

O musharaba

Shoma Abakolosai 1:19-20 - Ahabwenki Yesu yaafiire?

O muheru gw'ekitebyo

Read Revelation 21:1-7

- Aha muheru obuzaare bwa Ruhanga n'omuntu nibwija kuba nibushusha buta?
- Obuzaare bw'omuntu na mugenzi we nibwija kuba nibushusha buta?
- Obuzaare bw'omuntu n'obuhangwa nibwija kuba nibushusha buta? Nitwija kuba twine ebyokurya birikumara? Nitwija kuba niturwara?

Eishomo 1: Okugaaniira kwa Adamu na Hawa

Adamu : (Obwo nibahinga) Haawa, okuruga obu twarya ekijuma kiri tukabiihiza Ruhanga, okukora omu musiri kugumire!

Haawa : Buzima, n’aboojo baitu tibakituurana gye, nibatongana, barwana buri kaanya. Kampamywe ngu ebintu tibiraasiisikarire kimwe! N’obu gaakuba aga mababi gu turi kujwara, nigashusha kubi!

Adamu : (Arikutongana) Tituri kubaasa bijwaro ebindi, nahabwekyo, otakaayetomboita! (Ahunamaho) Ninyetenga obwire obwahwaire. Ruhanga obu yaabaire atambura naitwe, akagamba naitwe. Hati naayefuza eki yaatuhangiire. Kandi ijuka oku enyamaishwa zaabaire zitworobera? Hati niziiruka zituhunga ahabwa okututiina!

Haawa : Ego, n’obundi zigyezaho kuturya! eee ii . . . ninyanga enjoka! Obuzibu obu bwona tindikukiikiriza ngu nkatwara obuhabuzi kuruga aha muntu owaabwihire aha njoka !

Adamu : Ngaaha! Niiwe waabureetsire! Iwe tokora bintu bihikire! Ahabwenki naatwaire obuhabuzi kuruga aha muntu owaabwihire aha njoka?!

Haawa : Mbweni otaanyekwatsa! Obwe n’obuzibu bwawe! (Ahunamaho, n’obusaasi) Onsaasire, okuyomba tikiri kutuyamba. Adamu, noogira ngu ebintu biryaba nk’oku byabaire biba?

Adamu : Tindikumanya—Ruhanga wenka niwe arikubaasa kubigaruza nk’oku byabaire biri!

Haawa : Mbweni—tukoreki? (airuka ari kushohora) Mureke kurwana imwe boojo mwe murekyere aho eshaaha egi! Nimumpurira”. Naaza kugambira sho-imwe kandi taraashemererwe!

Adamu : (Agaruka omu kuhinga arikwebuuza) okukora! Okukora! Okukora...

Eishomo 2: Abantu n'Eky'omuhendo Ahari Ruhanga

Shoma Okutandika 1:26-27

- Abantu baine mutaano ki aha bihangwa ebindi? Ruhanga akakoresa ngyenderyaho ki omu kuhanga omuntu?
- Ni mitwarizeki eya Ruhanga eri kushangwa omu bantu? Mugambe aha mitwarize yoona ei muri kubaasa kubona.

Shoma Zaaburi 139:13-16

- Ogu omushororongo nigutugambiraki aha muhendo gw'abantu?
- Ogu omushororongo nigukwata aha bantu boona nainga abantu bakye?


Abantu bakye bateekateeke ahari eki:

- Ni bantu ki abari kutwarwa nk'abatarimu kanyitsi koona?
- Ni miringo ki ei turi kubaasa kukoresa kworeka abantu ngu n'ab'omugasho ahari Ruhanga?

Eishomo 3: Abantu n'Eky'omuhendo Ahari Ruhanga

3.1 Kora nk'omubuurizi

Entandika y'ori kutebya: Obumwe abakristaayo baingi baine ekituri kweta "Okureebera engiri haihi" Nibateekateeka ngu okwikiriza Yesu n'ensharamu y'okufa n'okukira. Kwonka tibari kwetegyereza ekintu ekindi ku bari kuba batari kureeba ebyetengo bya bataahi baabo, engiri yaabo, neeba ebuzire..... Eri izooba nituza kutaayaayira eka y'omworo. Omuntu ugu naatuura wenka (n'omworo kandi n'omurwaire)



ahunami omu kitanda kye. (OMW) Omugyenye w'omukristaayo, omubuurizi w'engiri (OBE) ari kubunzya engiri kuruga aha muryango gumwe kuza aha gundi aija amuhikaho.

OBE: Aba kunu, Aba kunu! Haine ari omunju? Nimbaasa kutaahamu? (Ataahamu)

OMW: (Ataine gagamba) eeh . . .ndi hanu.....

OBE: Oraire ota? Ndi.....kuruga omu kanisa ya nyizire kukweta ngu oije oshabire omu kanisa yaitu. Mukama atuhaire omugisha gwokwegarura busya. Otakaafeerwa.

OMW: (Ataine maani) Ab'eka yangye, ni banywani bangye bakansigaho ku naarwaire nkabura umurimo... Okwe omu Kanisa hariyo omuntu ari kubaasa kunyamba? Naakushaba? . . .

OBE: Obuyambi obu ori kubaasa kutunga buri hanu, nibushoboorora ekigyendererwa kya Ruhanga aha magara gaawe. Nookimanya ngu tikusiima kwa Ruhanga kureeba ngu ori omurwaire omu kitanda. Twara eki ekihandiko okishome, oshabe eshaara y'abasiisi, oikirize!

OMW: (Ataine maani) Tindikubaasa . . .ndi kubi. . . (Ahunama, areka kwehindura.)

OBE: (Akyebera omwitsyo) Okihuriire, Yesu asiimwe, naija kuba omujurizi. Ninza kukutsigira ekitabo eki. Reka ngyende, mbuurire engiri aha bandi abakibuzire (amugambira omu kutu ati) nituza kukushabira... ijuka ngu Yesu naakugarukamu (Agyenda amutsigaho)

OMW: (Amureeba naagyenda, ayenanuura naagaaya) aaaiiii.....

(Otagira ekindi kyona eki waakora – Okwihaho ekyo ekiri kureebeka ngu kishemeire).....

Eishomo 3: Abantu n'Eky'omuhendo Ahari Ruhanga

3.2 Abantu Bakye Bakye

Shoma emishororongo egi:

Matayo 22:36-40

Mako 12:28-31,33

Luka 10:27

Matayo 7:12

Abaroma 13:9

Abagalatiya 5:14

Ni bintu ki ebiri kutaana kandi ni biiha ebiri kushushana aha bi waashoma?

Yesu Kristo naagira ngu ekiragiyo ekiri kukirayo ni kiiha omuri ebi?

Ebiragiyo bya ba Nabi kubiri kucuubwamu omu kiragiyo kimwe ekikuru, nikiba kiiha?

Noogira ngu ahabwenki Yesu yaashaziremu (na ba nabi) kuchwamu ebiragiyo bari kukoresa ekiragiyo eki?





Eishomo 4: Luka 2:52

4.1 Abantu Bakye Bakye

1. Okukura kwa Yesu Ruhanga kukabaho juba nainga kukatwara obwire?
2. Zikaba ziri mbeera ki z'obuntu ezi? (Akashomeraho omu univasite? Owaabo bakaba nibamurikisa amashanyaraze? Bakaba baine ebyokurya biri kumara? Akaba naamanya kushoma n'okuhandiika? Akaba aine abazaire bari kumukunda?)
3. Yesu akaba aine ebintu ebi yaabaire naayetenga kuhikiiriza enteekateeka ya Ruhanga ahariwe? Ahabwenki? Kandi ahabwenki kitari kityo?
4. Ni butungiki oburi kwetengwa kubaasa kuhikiiriza enteekateeka ya Ruhanga?
5. Yesu akakura omu miringo ena, nitubaasa kuyamba abandi kukura omu, miringo egi? Tuta?
6. Okukura kwa Ruhanga ku kuraabe kwabaire kuri okw'obwire buraingwa, nitwetenga bwire ki omu nkura y'abandi bantu? Twetebeekaniise kuta bwire ki omu bantu abandi baaza kukurakurana?

Eishomo 4: Luka 2:52

4.2 Ekipande kirikworeka Okukura omumbaju zoon

	Emyanya eyi Yesu yakuzire mu			
	Obwengye	Omu mubiri	Omu mwoyo	Omu mitwarize
 Omuntu				
 Ab'eka				
 Ekanisa				
 Abatuuze				

Eishomo 5: Ruhanga naayenda Ekanisa Kuyamba

5.1 Emigane

Ekitebyo 1 – Okuhwera abooro

Abakristaayo b’ekanisa egi bakaba nibeereeba nk’abakuratsi barikugaywa kandi b’ediini eri kusingayo obukye. Bakaba nibatiina okubuurira engiri omu makanisa agandi agaabaire gabeetooreire. Ku baahuriire ngu bashemereire kworeka rukundo ya Kristo omu makanisa agandi omubuurizi yaashaba abakyara kugyezaho kwetegyereza ebyetengo by’abantu omu mwanya ogwe.

Ku baabaire bari omu kushaba esande eyaakuratsireho, abakyara aba baabagira ngu bashangire Abahindi b’abakyara 12 buri omwe aine omwenda gumwe gw’okujwara. Omu kyanda, abakyara aba bakaba baine okwozya omwenda ogu buri izooba. Omukyara ku yaabaire aba aine omwenda gumwe, akaba aine okuguma omunju kuhisya omwenda ogu yaayozya gwomire . Omubuurizi yaabuuza ku haakuba hariho abakyara omuri egyo kanisa abaakuba baine emyenda eshatu kandi abari kwikiriza kugabiraho abahindikazi abo abaabaire bataine. Abakyara baingi bakeehayo kukora eki. Esande eyaakuratsireho, abakyara aba bakataayaayira amaka g’abo abaabeire bataine myenda y’okujwara; baabongyera omwenda gwa kabiri. Abakyara b’abahindi bakashemererwa munonga baashaba abakyara b’abakristaayo kwija kubashabira. Abakyara b’abahindi abaabaire baine enda bakashaba abakristaayo kushabira abaana baabo batakazairwe.



Ekitebyo 2 – Okuha amaizi abatuuze

Omu kyaro kimwe, abantu bakaba bataine maizi na kakye. Abakristaayo ku baaherize kwetegyereza ngu Yesu naayenda bayambe abatuuze bataahi baabo, abeebembezi b’ekanisa baasharamu kuronda eki bari kubaasa kukora ahabwabo kureebeka ngu abantu aba baatunga amaizi. Bakaronda ahantu ahu baabaire batiiza ebikoreso by’okufukura amaziba bari kukoresa engaro. Abantu bakabanza baayanga bari kugira ngu amaizi gakaba gari haraingwa. Okufukura amaziba n’engaro ku kiraabe kyabaire nikibasika, ahabwenki, baabaire batakagateireho?



Kwonka, abeebembezi b’ekanisa bakasharamu kugyezaho. Bakatiiza ebyoma ebyo eby’okukoresa n’engaro. Bakatwara ebyoma ebi baatandika kuhinga n’okusherura amaizi omu itaka ry’ekanisa. Ku baahikire aha fuuti makumi ana n’eitaano baareeba amaizi, abantu boona bakashemererwa munonga.







Kwonka abakaafiire, tibarashemereirwe. Bakaba nibagira ngu abakristaayo tibiari kwija kubeikiriza kukoresa amaizi ago. Kwonka abakristaayo bakeeta abatuuze boona kukoresa amaizi ago agu Ruhanga yaabahaire nk'omugisha. Bwanyima abatuuze ab'omu byaro ebindi bakatandika kubuuza abeebembezi b'ekanisa ku baraabe nibabaasa kukora amaziba omu myanya y'ebyaro ebindi. Ekanisa ekabagarukamu kurungi. Omu mwaka gumwe amaziba ikumi n'ataano gakaigurwaho goona gari kuhitsya fuuti 80.

Ahabw'okugira ngu Ekanisa ekooreka rukundo ya Kristo omu muringo ugu, abantu bakashemererwa munonga, kandi ekanisa ku yaabaire eyeta abantu kwija kuhurira ekigambo kya Ruhanga kya rukundo, ekanisa ekaba eijura abantu. Bakaba baturira nibeetenga munonga kuhurira ekigambo kya Ruhanga n'abantu abaabahaire amaizi.

- Amakanisa aga gakakoraki?
- Amakanisa aga gakaba gatungire munonga?
- Bakakoresa bintu ki?
- Ahabwenki baakozire ebi?
- Eki baakozire kikareetaho karungi ki?

Eishomo 5: Ruhanga naayenda Ekanisa Kuyamba

5.2 Ekipande kirikworeka Emihanda eyokuhweramu abantu

Ekyenteengo	Emihande oku ekanisa erikubasa kuhweramu abantu
<p>Okuburwa eby'okurya</p> 	
<p>Okuburwa Amaizi</p> 	
<p>Okujwaara busha</p> 	
<p>Okuburwa oburaaro</p> 	
<p>Endwaara</p> 	
<p>abari omubihome</p> 	

Eishomo 6: Ni byetengoki ebi turi kubaasa kuyambaho?

6.1 Pastor Wong

Hakaba haruho omuriisa omwe omumwanya gw'ekyoro omurubaju rurembo. Bakaba nibamwra Wong. Wong akafurukira omururembo oru ahabw'okwetwa kwa Ruhanga. Ekanisa ekaba erinkyeye, erimo abanto nka . abangi bakaba bari abakazi naabaana. Wong akaba nakora emirimo ebiri. Akaba aine omurimo ogundi ugu arakora okubisaho eka ye, omukazi naabaana babiri bato. Kandi akaba nakora munonga okurisa ekanisa egyo enkye.

Erizzoba rimwe akimuka omukasheshe kare kare butakatagurukire okweherera nk'omucwe gwe okugwabaire guri. Akaimuka mpora mpora, yajwaara, yashohora kugira ngu ataimusa omukazi we naabaana. Yataho akatadooba. Yatandika okushoma baibuli ye. Akaba nashoma omuri Isaaya, eshuura ya 58, arikuhurira eiraka rya Ruhanga aha muringo gw'okuramya oku arikusherura.

Okwesiibyakwo oku ndikusiima t'oku? Okubohoorora emirunga y'obubi, Okukomoorora enkomo z'obuhuuku, Okurekura abarikuhatwa, bakeegyendera, Kandi n'okuhenda emigamba yooni? T'okubagana eby'okurya byawe n'abaine enjara, N'okutaasya enshoberwa ezitane butaaho omu maka gaawe; Okireeba ojwaire busha, okamujweka, N'okuteehuzya abaanyu?

Wong tarabasiza kureenga aho. Omutima gwe gwaranangana n'ebiteekateeko byo. Ruhanga naafa ata ahabooro obwe we ariyo arihagati y'obwooro obutakagambwaho burikuhenda omutima gwe? Naamanya oku abaturagye omukyaange bakaba nibaboonaboona okubona okubabaho. Bakaba banyigirisiibwe munonga. Nawe wenka akaba takasa kuriisa eka ye, keingi eka ye ekaba niburwa nobujanjibi. Akateekateeka, "Ruhanga arahi? Ekyahandikirwe eki nikwata kita ahabyeteengo hanu omu Las Pavas?"

Kuyabaire ekyateekateeka, yahurira koodi aharwiigi. Yayebuza, "Ogu noha omumatururu aga" Yahika haihi norwiigi yabuuza, "ogu noha?" yahurira eiraka aheru, "Wong, ninye Yesu" "Oha?" "Ninye Yesu," Wong yashuba yabuuza, "noha buzima?" Eiraka ryagumizamu, "Wong, ninye Yesu. Naija ahabwokuba nahurira okutaka kw'omutima gwaawe. Ninye onyorekye nenk ekikurabanisizemu "

Eiraka ryashusha nk'amazima. Wong yaguraho n'obwegyendesereza. Hakaba hakiruhomwe omwirima Wong yareeba ekicucu nk'ekyomuntu ou yabaire natekyereza kuba naagamba nawe. "Tahamu Mukama wanyu" Yesu yamugarukamu, "Ingaha, ninyenda ondambuza ekyanga kyaanyu, onyorekye ebi ebirikuhenda omutima gwaawe" Wong akyashobairwe, yaikiriza kwonka yamurabura, "nitwija kutambura n'obwegyendesereza—enjura ebaire negwa munonga, mbwenu ekyoondo n'obuterezi nibingi munonga, kandi tiwiine kamina ezirikumara omukyaanga kyaitu."

Kubabaire nibatambura omunkuuto z'omukyaanga Wong akaba nagambira Yesu ebikatiine namajua agubabaire barikurabaho. Omunju omu harumu omukazi orikweguza kugira ngu abase kuriisa abaana be. Omukari kasisira harimo omushaija omusiinzi orikuteera omukazi we naabaana be

yaheza kutsinda. Omunju eriya harumu omwebembezi w'ekyaanga omuri w'enguzi akarya esente ezabaire ziri ezokureeta amashanyarizi omukyaanga eki. Akazinywa kandi yazishishira omuzaara.

Bahika omumwanya muhango hagati y'ekyanga. Kikaba kishemereire kuba omwanya gw'okuzaniramu n'okuhumuriramu. Kwonka gukaba gwijwiire ekinuuko, kasasiro hamwe n'embeba. "Noreeba egyo enju? Wong yabuuza Yesu, arikumworeka akatindi ahatangiro y'ekibuungo. "Nihaturamu omukazi naabaana bana. Enju netura munonga. Nabooro munonga. Tibaine ky'okurya nari ekyokujwara. Kandi obutosha nibaba barwaire" obwe bakaba bahika aha ntagiro y'ekibuungo ahu Las Pavas – eitimbiri ryamabaare gw'obuguzi bwiingi ryombekirwe. Wong yamworeka, "aheifo okwe, niho abakazi naabaana bataha amaizi. Titwiine maizi omu Las Pavas."

Wong kuyabaire naataandika kwinamuka, yahurira omuntu naarira. Kuyahindukira kureebayo, akaba ari Yesu —Yesu niwe yabaire arikurira! Wong yareeba ngu ebintu ebyabaire barikumucwa omutima bakaba nibicwa n'omutima gwa Yesu. Wong kuyabaire naatandika okugamba, Yesu yaamukwataho, yaamureeba, yamugira ati, "Wong, ninyenda kukworeka ebigyendererwa byabgye ahabwa Las Pavas."

Awonaawo, Wong yaayeshaanga arikureeba Las Pavas. Yesu yaatandika kugamba, kandi Wong akaba nreeba gye ebintu ebi Yesu yabaire arikushoborora—bikaba nibibaho butunu! Yesu akagaamba abantu ababaire bari okukanisa ei Wong yabaire naariisa—n'obubaire bari abooro munonga—kwonka barikubagana akubabaire biine naabatahi baabo. Buri eizooba bakaba nibahuraho akaceeri kake bakata omu kicopo. Ahasande bakaba baijwize ekicopo haza bareeta ekyo kicopo ky'omuceeri okubagana naabandi omu iziina rya Yesu. Bakaba bagubagana naabandi omukyaaro kyaabo ababaire bateine ako kake. Nikwo babaire nibatwaaza nasabuuni. Abakazi omukanisa bakatandika kutayayira abafakazi abatarikwebasa omukyaanga kayaabo—baabaayamba okwozya, okuteeka, hamwe n'okureberera abaana baabo barwaire.

Yesu yaagamba ahamirimo, kandi Wong yareeba abantu baine emirimo. Tigugira ngu egi emirimo ekaba nebaretera entasya nyiingi, kwonka ekaba eri emirimo eyekitiniisa kandi erikubahisyaho ebi babaire nibiteenga. Yesu ekagaamba ahaburaaro, Wong yareeba obusisira obwabaire burikurabamu embeho nyiingi nyekiro; kandi bukaba buhindukiremu amaju amarungi, gatari nyamaju g'okutangaaza kwonka gari amaju marungi ag'okuturama kandi mayonjo. Yesu yaagaamba aha maize, kandi ahonaho habaho obwataapu bwamaizi marungi, mayonjo omumyaanya emwe n'emwe. Yesu yaagaamba ahabuyoonjo n'obwekyumi omukyaanga, Wong yareeba zakamina. Tiguri ngu burika ekaba eine kamina kwonka burimuntu akaba naabasa kubona kamina y'okweyambiramu. Hamwe n'entuumo yakasasiro eyabaire erihagati y'ekyanga kyaabo ekaba etakiraho. Kwonka hakaba hamizireho emiti mirungi mito, erimu abaana barikuzaana omupiira barikusheka. Yesu yaagamba nahamagari gaabantu bahindukire, Wong yareeba wamukazi ou wabaire aguza omubiri gwe hati akaba nabaisaho abaana be n'omurimo gushoborokire. Omusiinzi akaba ahindukire omushaija orikukunda omukaziwe hamwe n'abaana be. Omwebembezi w'ekyaanga ou wabaire ari omushumankuzi hati akaba nakoresa sente gye ahabw'okuhwera ekyaanga kyoona.

Yesu yaagira ati, "Wong, Reebe ekanisa!" Wong kuyagiire kureeba, yareeba ekanisa eiwijwiire abantu. Hakaba harumo abashaija! Abantu boona bakaba bashemereirwe, barikuhimbisa Ruhanga ahabw'oburungi bwe. Na Wong akaba eriyo naayegyesa, naaburira kandi arikwebemebra bantu be omu Mwoyo n'omukworebera Ruhanga n'ebikorwa bya Rukundo. Yesu yashobororera Wong at, "Okworekwa oku tikurahikirire omubwijwiire kuhisye obundigaruka, kwonka okwe nikwe kuknda

kwangye aha Las Pavas. Ninyenda obagane okwo kworekwa kandi otandikye kwebembera abantu ba Las Pavas kubahisya aha kworekwa oku.”

Wong yatandika kuhakanisa Yesu ati, “Kwonka Yesu, turi abooro munonga!” “Wong,” Yesu yamubuuza mpora, “Noha ou wayebembeire abaana ba Israeri okubambusa enyanja erikutukura? Noha owakanyisize otugaati n’ebyenjanja ebya resize abashaija enkumi itaanu n’abakzi hamwe naabana? Noha owarambwiire otujuta n’akasaano k’omufakazi wa Zarephazi kubisaho ekaye okumara emyaka eshatu y’ekyanda? Noha owacureriize enyanja ya Galilaaya?” “Niiwe wakikozire Mukama,” Wong yamugarukamu. “Naahabwekyo Wong, oyorobere ekinakugambira kukora, mubagane ekimwiine, n’obukari kakye. Rangirira okukunda kwangye okurungi omubantu—omu mwoyo n’omumubiri. Kandi ninyija kukiza ekyaanga kyaanyu”


Wong yahurira enkoonko n’ebika. Omukazi we yakorora omunda yakateni. Wong akaba ariyo ashutami aha meeza, akatadooba akaraire kare, ekyererezi kyagireho. Wong yarebaguza ngu areebe Yesu, kwonka tiyamubona. Yaayebuuza, “Naaba nindoota shi? Nayorekwa?” taramanyire gye ekyabaireho. Kwonka akaba nakakasa kuyabugabugana na Yesu kandi yatunga okwetegyereza kusya ebigyendererwa bya Ruhanga ahabw’abooro...hamwe n’okworekwa kusya kw’okwebemebra abantu kubashemereire kworeka Rukundo ya Ruhanga omuri Las Pavas.

- Ni bizibu ki ebiri kushangwa omu kichweka ky’omubuurizi Mananu? Gamba ebizibu ebi omu bicweka bina; eby’omwoyo n’eby’omubiri.
- Ekigyendererwa kya Ruhanga aha batuuze aba kikaba kiri kiiha? Raba omu bizibu byona, omanyane eki Yesu yaagizire ngu nikimara ebizibu ebi.
- Yesu akagambira omubuuruzi Mananu kukoraki?

Eishomo 6: Ni byetengoki ebi turi kubaasa kuyambaho?

6.2 Ekyokureeberaho ekya: Long na Mai

Enju ya Long na Mai yaaheza kusya, buri kimwe kyasya, tihaine kyasigara. Nyomwebazyo, Long, Mai n'abaana baabo 5 baraire owa abanyabuzaare baabo kwonka omunju egyo hatwiremu abandi bantu 10 kandi ninkye teri kubaasa kwongyerwamu abandi 7. Long n'omuhingi kandi yaaherize kubiba omusiri gwe kwonka hakiriyo agandi meezi 3 atakabaire kushaaruura. Esente zoona azimariire aha kugura embibo y'emisiri ye kandi ebyasigaize byona bihiiriire omunju.



Eka egi eine byetengo ki?

Ni bintu ki ebiriho omu kyaro ebiri kubaasa kuyamba?

- Abantu
- Eby'okukoresa
- Ebyetengo

Eishomo 8: Okwetegyereza oku turi kubaasa kuyamba

8.1 Omukyara Lee

Omukyara Lee n’omukazi buzima okwihaho okugira ngu eizinarye ryahindukaho. Naayetenga kuyamba amaka g’abooro omu mwanyagwe na munonga abo abateine mirimo. Akatandika kutaayaayira gamwe aha maka ago ag’abooro buri kwezi ari kuronda oku yaakubaasa kuyamba amaka okwebaisaho. Aha hariho ebyokukworeka 3 ari kukushoboororera oku abaasize kuyamba amaka. Ebitebyo ebi bihikiire kimwe.


1. Omukyara Lee akakoreraki amaka aga?
2. Obuhabuzi bw’omukyara Lee bukarugamu ki?
3. Hakaba nihaza kubaho ki omukyara Lee kuri yaaheereize abantu aba esente nari ebyokurya?
4. Omukyara Lee kuri yaaheereize abantu aba esente buri sande kumara emyaka 2 noogira ngu amagara gaabo gakaabaire nigaza kuhinduka gaty?
5. Hariho mutaano ki aha kuyamba n’esente n’okuyamba omu muringo gw’omukyara Lee?
6. Teera akashushani, oku waakutandika kukora nk’omukyara Lee – Ori kutaayaayira amaka okahurikiza, okagyezaho kubeetegyereza. Okareeba ebizibu byabo otyo okabarondera eky’okukora. Noogira ngu ahu orikutuura hakaabaire hata?

8.2 Ekyokureeberaho

Hariho eka eri kutuura haihi n’ekanisa yaawe. Omushaija tari kutuuramu kwonka naagira eizooba rimwe omu kwezi nari ameezi abiri aija aba n’eka ye kandi abareeterayo obusente bukye. Omukyara we naareeberera abaana baabo 3 kwonka tihariho ari omu ishomero. Obutoosha abaana nibaba nibatambura bataine nkaito kandi bajwaire emyenda ekuzire. Enju yaabo ekuriire kimwe kandi neetura enjura ku eri kugwa. Eizooba rimwe ku waabaire noorabaho, waahurira abaana bari kurira ahaakuba bakaba baine enjara.

Eka egi eine byetengo ki?

Noobasa ota kuyamba ori kugyezaho kuba nk’omukyara Lee ahaka egi?



Eishomo 9: Ebikorwa bya Rukundo

9.1 Oku Ekikorwa Kya Rukundo kirikushusha

1. Nikikorwa ahabw'okworeka Rukundo ya Ruhanga

- Abataribaikiriza nibateekateeka ki ahabaikiriza omukyaanga kyaanyu? Ahabwaki?
- Nimutuunga abagyenyi omukanisa hataruho obatabarusize? Ahabwaki eego nginga ingaha?
- Abataribaikiriza nibateekateeka ki ahari Ruhanga? Nibateekateeka ngu Ruhanga nashusha ata?
- Nooteekateeka abantu omukyaanga kyaanyu bakagamba bata ekanisa yaanyu yatandika kukora bimwe ahabigambirweho omu migane y'ebikorwa bya Rukundo?
- Ahabwaki tushemereire kuhamisiriza ebikorwa bya Rukundo omubantu abatajunirwe kutari omubajunirwe?

2. Nibikorwa omukworobera Ruhanga

- Ahabwaki Yesu nagira ngu nikuru okworobera ebi Ruhanga arikuturagiira?
- Ekanisa ekasharamu eta ou kukorera ekikorwa kya Rukundo?
- Nimpiduka ki ei yabaireho omu kyaanga?

3. Nibikorwa okurabira omumaani ga Ruhanga

Reeba Yohaana 15: 1-8

- Ekyahandikirwe nikitugambira ki ahari ebi ebituribasa kukora omumaani gaitu? Eki nikimanyisa ki?
- Nitwaana tuta ebyaana?
- Omuri Yohaana 15:5 baibuli negira: “Omuntu yaguma omurinye, nanye nkaguma omuriwe, naayana ebayaana beingi.” Nikimanyisa okuguma omuri Ruhanga?
- Tukesiga tuta Ruhanga omumirimo egi gya Rukundo?

4. Nibikorwa ahabw’okuhimbisa Ruhanga

Shoma Yohaana 15:8

- Ekigyendererwa ky’okwaana ebyaana beingi nenki?

Shoma Matayo 5:13-16

- Ahabwaki nitukora emirimo mirungi?
- Ekigyendererwa kyaitu nikiha twakora ebikorwa bya Rukundo

5. Bikye kandi byanguhi

- Ahabwaki nirungi okutandika n’ebikorwa bya Rukundo bikye kandi byabguhi?

6. Ekikorwa kya Rukundo nikoresibwa ebikozeso birundiinwe okuruga omubantu b’omukanisa n’omukyaanga

- Ahabwaaki n’ogira ngu kimwe ekirikuraanga ekikorwa kya rukundo n’okukoresa ebintu birundiinwe kuruga omukyaanga – ebi Ruhanga abagabiriire bitarikuruga aheeru? Ahabwaaki ekyo nikuru?

Okushwijuma Ekyakorwa/Omurimo

Teekateeka ahabitekyerezo ebyayorekirwe omukutandika ishomo eri. Mukore obubiina bw'abantu babiri babiri ogundi murundi, mutoraneho ahamirimo egyo reero mugishwijume. Murabasa kukoresa ebibuuzo ebi:

1. Omurimo ogu gurabasa kubahwera bata okworeka rukundo ya Ruhanga omu kyaanga? Nenki ekirikubasa kwongyerwa nari kihakindurwa aha murimo ogu okworeka gye rukundo ya Ruhanga?
2. Niyokureberaho kiha ekyomurimo mukye gwanguhi ogurikubasa kukorwa omu izooba rimwe?
3. Nibikoreso ki ebiruhomomukyaanga kyaanyu ebirikwetaagwa ahabw'okukora omurimo ogu?
4. Omurimo ogu nigubasa kuhindura guta ekyanga kyaanu? Empiduka nk'egi niyo okayenzire kureeba omukyaanga kyaawe? Yaaba ingaha ogu omurimo gurabasa kuhindurwa guta okutaho empinduka ehikire omukyaanga?
5. Tukamanya tuta ngu omurimo tukukora omukworebera Ruhanga?
6. Nogira ngu Ruhanga naija kuhimbisibwa ogu omurimo gwakorwa? Tukenyigira tuta omukumuha ekitiniisa ahabw'ekikorwa?

Eishomo 10: Okutebekanisa ebya okubiba embibo

10.1 za fomu z'okutebekanisa

1. Shoma entambwe z'okutebekanisa
2. Muhane ebiteekateeko aha bitekyerezo bya Ekikorwa Kya Rukundo
3. Okushaba
4. Mwetegyereze yaaba ekimurenda kukora n'ekihikiriza ebirikworeka ekikorwa kya Rukundo
5. Tandika kutebekanisa ekikorwa kya Rukundo
6. Okushaba
7. Bagana entebekanisa nabaandi nabo bongyereho enteekateeka yaabo
8. Okushaba

Ebiri Kurabwamu kukora Entebekanisa

Eidara 1: Okushaba

Ekintu kyoshemeire kubanza kukora, n’okushaba. Twara akanya eshaha egi oshabe. Shaba Ruhanga akworeke eki oshemereire kukora kwenda kubiba embibo.

Eidara 2: Okuronda

Nk’abantu musharemu eki murakore nka purojekiti, reeba aha bintu ebimwahandiika omu ishomo erya “Ruhanga n’ayenda ekanisa eyambe” na “nibyetengo ki ebiri omukyaro kyawe”. Itwena hamwe musharemu eki muri kutekateka ngu Ruhanga n’ayenda ngu mukore.

Kumuraheze kuronda eki muri kwenda kukora, murebeke ngu n’ekintu ekiri kubasa kukorwa omu kiro kimwe nari bibiri. Kukirabe kitari kityo, nimubasa kuraba omu idara rimwe nari abiri.

Eidara 3: Sharamu ebiri kwendwa

Ekiri kukurataho, n’okutandika entebekanisa okubanza twiine kusharamu ebitori kwenda kubasa kukora ekintu eki-- Abantu aba turi kwetenga, ebikozesibwa ebiri kwendwa, orusa, n’ebindi n’ebindi kworabe n’oyenda kutekateka ahari eki, n’obasa kukoresa orupapura rw’okukoreraho oruri omu kitabo kyawe ky’okushoma. Ku oramare kwijuzamu omu kanyerere k’okubanza ori kutekamu ebi orikwenda aho n’obasa kusharamu omuntu orakore kintu ki, kandi n’obumushemereire kumaririza.

Eidara 4: Handika Entebekanisa

Ku oramare kutebekanisa ebintu byoona ebi ori kwenda n’obasa kuhandika entebekanisa ori kworeka ebiri kwenda ngu omanye n’oha oshemereire kukora ki kandi ebiri bingahi? Ronda omuntu arayebembere purojekiti. Omuntu ugu ashemeire kumanyisa abantu eizooba ritakahikire, akabamanyisa ngu beine kumaririza purojekit yaabo kandi okababuuza kubarabe bariyo nibagikora, kubarabe beine obuzibu bwona, nahubari kwenda obuyambi.

Eidara 5: Shaaba

Ku oramare kuhandika entebekanisa, twara omwanya ogaruke oshabe. Shaba Ruhanga okuyambe kumara projekiti yaawe kandi omushabe abazemu ebirarugemu kwenda ngu eiziina rye rihabwe ekitiinisa. Omu sande ebiri nari emwe kumurabe nimutebekanisa Purojekiti yanyu mushemereire kushaba ngu Ruhanga abayambe omu Purojekiti yanyu.

Eidara 6: Kora Purojekiti

Ekiri kukurataho n’okukora Purojekiti eyi otebekaneise. Tandika eizooba n’eshara kwenda ngu ebi ori kukora obiheyo ahari Ruhanga. Ijuka ngu n’okora ekintu eki kwenda kworeka abandi rukundo ya Ruhanga. Gyezaho kworeka enkora eri kugyenda n’eki Ruhanga arikwenda.

Eidara 7: Yechebere kandi oherezayo ebirugiremu (Rupota)

Eidara rya ahamuheru n’okwechebera kandi okaherezayo ebi rugire mu. Ahabwenki tushemereire kuechebera? Niki tuyamba kwega, kuteekateeka aha bituri kukoragye kandi tukareba ebi tushemereire kwongyeraho omurundi ogundi. Tikishemereire kutwara omwanya muringwa, n’obasa kutwara akanya kake kuraba omu bibuuzo ebi:

- N’enki ekya gyenzire gye?
- N’enki ekitara gyenzire gye?
- Nibintu ki ebitori kubasa kuhindura aha Purojekiti egi?
- Ebya rugiremu bikaba biri nka oku wabeire n’obyenda, kukira be kitari kityo, aha bw’enki?
- Ruhanga aka habwa ekitiniisa?

Omwegyesa ayiine eki ori kubaza kwijuzamu ebirugiremu. Ahabwenki nitukora rupota? Omuri Mako 6:30, nitureba ngu abeegi bakagambira Yesu byoona ebi babeire kakozire. Nitukuhereza omugisha kubagana ebi tukozire kandi ohereze obujurizi bw’oku Ruhanga aku koreize. Nikihereza ebegyesa kureba kaharabe habeire hariho obuzibu bwoona babase kukuhereza kurungi omurundi ogundi.

za fomu z'okutebeka **Forms**

	Nenki	Noha orikujunaanwa	Obwiire
Ebikoreso			
Abantu abarayenigiremu			
Abaragasirwemu			
Okukirizibwa			
Okushaba			

